



Nuuk, 18.juli. 2017

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

Naalackersuisunut apeqqut:

1. **Sisamanik assakaasullit nunaannakoorutit (ATV) kalaallit nunatsinniitut qanoq amerlatigippat ?**
 - a. **Nammineq inuttut pigisat qassiuppat ?**
 - b. **Namminersorlutik Oqartussanit atorneqartut qassiuppat?**
 - c. **Kommunenit atorneqartut qassiuppat ?**
 - d. **Aalisartunit/Piniartunillu atorneqartut qassiuppat ?**
 - e. **Savaatilinnit atorneqartut qassiuppat ?**
 - f. **Nunaqarfinni sulinermit atorneqartut qassiuppat ?**
2. **Sisamanik assakaasullit nunaannakoorutit (ATV) qassit sillimmaserneqarsimasutut allaqqappat ?**
3. **Sisamanik assakaasullit nunaannakoorutit (ATV) atussagaanni kalaallit Nunaanni suut piunasaqaataappat ?**
4. **Sisamanik assakaasullit nunaannakoorutit (ATV) nunaqarfinni sulinermit atorneqartut suli iluamik aqqusinilersorneqanngitsuni soorlu 1000-tit ataallugit inulinni, motorilinnut ingerlatsinissamut allagartaqaqqaanngikkaluarluni atorneqalernissaannut aporfiit suut iluarsineqassappat ?**
5. **Sisamanik assakaasullit nunaannakoorutit (ATV) inuussutissarsiutigalugu piniartunit aalisartunit pisanik assartuinnermut nunaannakut sikukkullu atorneqarnerini 30km/t-imik sukkanerusumik ingerlasinnaalernissaannut ammaassiniarnissamut aporfiit suut iluarsineqassappat 30km/t-imik sukkanerusumik piniarnermik aalisarnermillu inuutissarsiuteqartut ingerlasinnaalissappat aammalu motorilinnut ingerlatinissamut allagartaqaqqaanngikkaluarluni nunaannarmi sikumilu assartuutitut ingerlatsinnaalersissagutsigit aporfiit suut iluarsineqassappat ?**

6. Sisamanik assakaasullit nunaannakoorutit (ATV) inuutissarsiutigalugu piniartunit, aalisartunillu, savaatilinnillu aammalu atorneqarnerinut piumasaqaatit, sneecooterit atorneqarnerinut piumasaqaatitulli ilersissagutsigit suut iluarsissavagut ?

(Inatsisartunut ilaasortaq, Henrik Fleischer, partii naleraq)

Tungavilersuut:

Sinerissamiit inuppassuit saaffiginnissutaat aallaavigalugit qulaani apeqqutit pinngorput, taamaatumik isumaqalersimavunga sisamanik assakaasulinnut (ATV)-nut aaliangersakkat nunatta inuisalu killiffia eqqarsaatigalugu naleqqutinngitsoq, tassa nunatta inuisa inuussutissarsiutiminnut assut tapertarilersimavaat, ukiorlu kangerlussuarmi piniartut umimmanniat piumasaqaatit (ATV)-nut sakkortungaarmata ilaasa atorsinnaasimangilaat naak allaat ilaasa bankimit atorlutik 100,000.00 kr sinnerlugit inuutissarsiutitik siuvarsarniaraluarlugit allanik tapiiffigineqaratik tassami ørrerpassuit pinguarlutik atunngilaat.

Taamaatumik nunatta inuisalu killiffiat aallaavigalugu nunarput sinaakkusersorniartigu, Danmarkimik inuppassuaqarfiusumik allaanerujussuarmillu avataangiisilimmik pissutinnut ilaarsiinnarata aammalu pissutsinik tappavangaaneersunik eqqusuinnarata.

Ullut suliffiit qulit qaangiutinnginnerani akineqarnissara kissaatingaara.